


8



宋徽宗宮詞序

自建中靖國二年以來至宣和六年緝熙六年
收御製宮詞若干首皆在各宮今命左昭儀孔
禎并嬪御章安覬等收緝類而成書頒降六宮
及太子諸王宮與夫公主郡主天眷皇族之家
永爲珍襲宣和六年八月一日帝姬長公主書

宋徽宗宮詞

塗丹輝映霽煙明
四啓嚴闈曉漏清
初御廣寒人意肅
九宮遙聽警鞭聲

春朝小雨乍新晴
祥靄勻收洞宇明
嚴警不聞人一語
海棠枝上曉鶯聲

春工先與上林芳
迎歲紅梅破臘香
纔過閣門分曲檻
弄晴繁蕊麗如粧

麟堤千尺盡塗丹
文瓦雕甍敞殿寬
折檻盡循前古制
當中一曲不安欄

秦娥從小學宮韶竊愛僊音逸韻飄應慕鳳臺
吹紫玉夜闌時按白牙簫

元宵三五競芳年十二都門沸管絃
鰲負繒山輝絳閣龍銜寶炬撒金蓮

拂堤絲柳弄春柔盈沼沉波瑩鴨頭
錦繡成叢飛畫楫輕船兩兩翼龍舟

翠芳庭宇疊山圍路轉龍盤燦陸離
響石因風飄冷韻小碑刊勒祖宗詩

銷金花朶遍輕羅剪作春衣賜下多
闔薄只貪

腰細柳夜闌無奈峭寒何

碧紗窓薄見朝曦睡起心情不自持
粧飾尚慵臨曲檻却教鸚鵡念新詩

綠攪蘭牙遶逕隅日融花氣暖縈紆
鞦韆伴侶時相約畫板繒繩翠袖扶

深庭窓月透輕紗仙侶勤工組繡華
笑語竟將心事卜只知相顧看燈花

沉水薰濃瑞靄時相兼花氣馥庭墀
皇家休問多嘉景絳闕清都只此知

玉容初起帶春慵，鬢暉秋蟬不解攏。十二寶欄
閑倚處，花間因避落殘紅。

燧人鑽火應時分，頒賜諸宮處處聞。堂上美人
無用處，旋燔金餅炷蘭薰。

鬪鷄園裏誠非雅，舛鴨池邊豈足多。最好芰荷
香隔岸，畫船搖曳按笙歌。

六幕低垂曉鑑寒，簾旌風動皺翔鸞。仙姿糝草
呵纖指，遠黛遙分勝筆端。

綠徑平平擺地尖，花裘庭下總相兼。時來奪擊

爭多勝格，令輸贏不畏嚴。

早臨武殿啓芸香，冰硯難開肅曉霜。惟製暖爐
新樣巧，雲龍突鏤遍金箱。

韶光婉媚屬清明，敞宴斯辰到穆清。近密被宣
爭蹴踘，兩朋庭際覺輸贏。

金殿重重十字芳，當中鸞鶴勢翱翔。韜藏蘭炷
無人見，篆縷搖搖闔座香。

雜遝仙韶按八音，曲餘羯鼓漸聲沉。已將殊韻
叅群奏，豈貴花奴冠古今。

玉鈎紅綬掛琵琶七寶輕明撥更嘉捍面折枝
新御畫打絃惟恐損珍花

閣門雙闕約人還後苑芳菲一望間臺榭參差
春更好瑤津遶岸聳眉山

禁宇春圍晝漏長睿思承極景相望迴環露浥
蒼苔合一架茶縻滿殿香

控馬攀鞍事打毬花袍束帶競風流盈盈巧學
男兒拜惟喜先羸第一籌

細箏白寶間生輝玉柱成行鴈自飛對酒仙姿

時一按十三絃上迸珠璣

花洞連延一架平文鴛雙砌接珍亭明暉北望
垂楊岸滿日煙波上下青

十里香街沸管絃金明回馭夕陽天風輕芝蓋
搖霞浪裊裊龍盤七寶鞭

忘憂清樂在枰棋仙子精攻歲未笄窓下每將
圖局按恐防宣召較高低

紫雲樓曲倚仙韶侍習皆知歲月遙竟好洮州
新進譜和諧逸韻八音調

選宇弘開巧石叢擅名還有勝羸峯巫山未足
爲珍異碧玉噴岫疊數重

燕館餘開玉漏沉華容芳質盡知音不將簫瑟
爲貪靡競鼓瑤微數弄琴

澄澄芳沼玉庭前天產雙英竝萼蓮合秀同芳
應有感故來清禁啓妖妍

紋窓几硯日親臨雅玩娛情務討尋筆格硯屏
皆寶製鎮書惟重馬蹄金

粉杏天桃出苑墻堤邊楊柳拂波光梭門聳插

彤雲裏風引花毬絲縷長

祐中珍觀五雲開高倚層霄疊玉臺笑語半空
知遠近縱觀飛騎拂塵來

纖眉丹臉小腰肢宜着時新峭窄衣頭上宮花
粧翡翠寶蟬珍蝶勢如飛

靈犀點點透成花異域珍奇自可嘉因製芙蓉
杯酌樣通紋澄徹灑流霞

花枝連屬勝丹青疊嶂層峯立翠屏汲引飛泉
來玉甃旋題因繕迸珠亭

近密臨堤下釣鈎曲池人靜不驚鷗錦鱗纔得
山呼進銀盃重重賜與優

宮人思學壽陽粧每看庭梅次第芳淺拂胭脂
輕傅粉彎彎纖細黛眉長

瑞日融和麗玉庭花枝密處有鶯聲大宮閒燕
多餘樂索寫新詩頌太平

宮娥相約戲鞦韆困極盈盈寶髻偏却恐逢人
多謔笑暗尋香徑整花鈿

泉源一脉過嚴城寶獸噴香漱玉聲分入瑤津

來紫禁盃流曲沼遠相縈

洛陽近進牡丹栽小字牌分品格來魏紫姚黃
知幾許中春相繼奏花開

結曲迴廊入小庭綠窻朱戶照光明宮人晝直
多娛樂闔座誼譁擊馬聲

石榴繁翠漸盈枝正是新和首夏時宮女日長
無一事雙英較勝小心期

湘簟涼生暑氣微午天欹枕向紗幃轆轤車扇
間闌處雙月迴廊彩鳳飛

洞房春晚惜花殘滿地紅英織錦端想見惜芳
情意切更收香藥掌中看

緩步宮花夜漏清廊然天宇月華明凝眸望極
無纖翳惟有銀河一練橫

太清樓畔柳依依欄外飄飄綠線齋魚鑰未開
鈴鐸靜一林鷓鴣占春啼

嬌雲溶漾作春晴繡轂清風出鳳城簾底紅粧
初笑語通衢爭聽賣花聲

杏梢春藥遍飄香藻荇縈紆滿碧塘嬌怯畫船

推俯岸閑看風力覺波光

崇政西清闕講筵簪裾雜選盡英賢守成當謹
持盈戒紬繹鳧鷖大雅篇

三月西城淑景多羽林旌旆擁鳴珂珠鞍玉鐙
龍驤進寶苑珍亭喜一過

三年禋祀敞圖壇星斗凝輝玉露寒郊外燔柴
煙欲斷禁街人已待迴鸞

霽雲高敞九城闕簪佩衣裾一望間昨日閣門
新入奏降王初綴紫宸班

年年式燕集簪裳百辟班
聯振鷺行曲謝臣鄰
尤跂望司珍新奏玉茶牀

春暮紛紛蕩柳絲欲回炎律
困人天宮糈永晝
多閑宴慣拆真珠結翠鈿

碧池十二曲欄干瓊態濃醺
倚欲彈月上海棠
清蔭合羅裳深夜怯輕寒

小院風柔缺蝶狂透簾
渾是牡丹香玉人不向
閑庭看孔雀雙眠寶砌傍

煙靜雲嬌露已稀
晝長人困杏花時
鞦韆閑倚

樓臺看盡日無風綵索垂

平明初啓九重關
望處樓臺紫翠間
綵綬華紳
簪玉笋裴衣傳引太師班

掖庭榮慶誕彌初
包子均分盡樂胥
小結金錢
銀鏤勝紅羅端疋代衣裾

押班供奉例官行
沿襲左司盡女郎
殿直恩名
纔得賜銷金方許製衣裳

式燕簪裳遍集英
梯航萬里慶天寧
昇平樓上
遙瞻望衆裏金貂認使星

日上觚稜氣鬱忽露華猶冷玉芙蓉錦幃繡幕
春光滿瓊葉珠花影漸重

黃頭進酒闌醇濃問有均頒不啓封向晚聞呼
裝尚醞雙飛還遶紫金龍

化成金碧拱雕楹四序開筵率有程安福殿堦
連續帶內人常按鼓簫聲

螺鈿珠璣寶合裝琉璃瓮裏建芽香兔毫連盞
烹雲液能解紅顏入醉鄉

元夕風光屬太平燭龍銜耀照嚴城鼇峯竝立

通明觀絳炬宵輝上下明

翰林文府擇良工心畫諸家一一通無若孝經
書座右邇英到徹盡屏風

春日尋常擊土牛香泥分去競珍收三農以此
占豐瘠應是宮娥暗有求

鼎殿崇修大器安因時嚴享至誠殫零零甘露
符昌福金玉沾濡拭不乾

端門頒赦立班詩禁衛森嚴爛錦衣纔立鷄竿
垂綵索望中人拜曳紅旗

五穀豐穰廣有秋漕司連路奏年收籍田得駕
循常典潑麥園中結綺樓

小桃初破未全香清晝金胥漏已長臨罷黃庭
無一事日移花影上迴廊

茸茸草色上青袍碧瓦藏煙瑞日高內苑春光
分外別競排珍賞待遊遨

端拱垂衣每面南曉班庭下頌聲三典儀預白
排朝日假令臨時放六參

宮人凡百趨相貪桑葉青青貯滿籃不使朋儕

知底裏密來朱箔餵新蠶

集英金屋起新秋式宴千官拜賜優宴罷瑤仙

迎翠輦霞衣裊娜逐風柔

曉景熙熙竹影疎柔閒初理薄粧餘心情酷愛

清虛樂琴阮相兼一几書

金鞍寶轡簇驂騮樂奏相從共擊毬花帽兩邊

成錦陣謝恩長喜上頭籌

三省居常有進呈早臨崇政接群英太官賜食

多清漏門外將交五馬聲

修竹成林碧玉攢幾枝榮茂可棲鸞瑤宮月白
風清夜誰共庭除一凭欄

雙鴛紋瓦碧琉璃零露瀼瀼夜未晞花外倚空
成敞翼樓臺宏麗景雲飛

清晨簷際肅霜鮮曉日初銷萬瓦煙隆德重陽
開小宴競將黃菊作花鈿

寶劍龍紋鑑色鮮蘭宮不信火雲天冰壺盤上
排金管枕簟餘涼好醉眠

樂章依韻俯成編欲聽新詞禁字傳曲裏字難

相借問隨時切脚注花牋

金井高梧舞戲圭露盤承潤曉淒淒深宮不是
新秋景昨夜寒蛩漸漸啼

蟾光秋半倍嬋娟河漢潛微潤碧天樓上美人
貪醉賞曉鐘聲斷遂經年

新月彎彎掛碧空嬪嬙爭拜望圓穹倚欄長是
躊躇又應想姮娥在桂宮

翠蓮秋盡覆池塘綠柄風搖一派香欲結珍苞
供勝賞隨時均錫到蘭房

龍德營修已慶成秘局齊潔奉三清餘田增輯
成嘉致千百樓臺紺瓦明

初夏圓荷點翠錢螭頭清溜玉濺濺惜芳處處
歸雕輦半醉嬪嬙墮珥鈿

三五良宵皓月圓蘭缸寶炬萬家燃樓臺總在
水壺裏今見蓬瀛不夜天

刺花彈篋紫檀弓何處金丸入苑中驚起流鶯
花裏去紛紛如雨落殘紅

早朝人待早門開躍馬傳呼恣往回班列舊稱

人盡曉驚聞符寶外郎來

御製新規寶墨香蟠龍紋裏字成行臣鄰近密
方宣賜圓餅均盛小絳囊

浴兒三日慶成均寶帶龍衣賜近臣驄馬金鞍
新遴選先令羈控過延春

雲母屏山翡翠簾繡衣圍住百花簷晨光旋透
輕煙合寶帳蘭姿起未恬

臘中仙賞起華英高聳雲螯徹太清預占春樓
無限景更聽風度管絃聲

兩行親札寄霜紈圓柄均裝七寶檀殿記宣和
書四字禁中傳得作榮觀

女兒裝束效男兒峭窄羅衫稱玉肌盡是真珠
勾絡縫堂中簇帶萬花枝

金波如畫麗彤庭夜寂無人倚玉寧惟有直更
宮女伴呼時方始近鸞屏

鳳口金爐鏤葉華高低曲折勢交加新書品制
名三傑四和濃薰不足誇

今歲閩中別貢茶翔龍萬壽占春芽初開寶篋

新香滿分賜師垣政府家

一局平分出四邊到窩仍到度關先終朝打馬
爲娛樂不顧頻輸萬鎰錢

清和景物稱遊遨金屋亭亭瑞日高節物應時
來別院合中連絡進櫻桃

杏子成丹乳燕飛柳條搖曳拂漣漪瑤宮露井
殘紅滿惆悵晴空欲暮時

鞦韆影裏笑相迎蕙圃蘭畦恣擷英薄暮歸來
春意倦芝堂閒聽碾茶聲

雲華重輯疊層峰寶構高榱萃彩虹環碧對池
臨翠圃一溝春水遠相通

垂楊堤畔彩舟橫鳳沼瑤津一望平內院有時
旬按樂管絃清響到宣明

涵曦亭上恣凭欄共看遊魚躍水間撥刺紅鱗
纔引到金圈鈴口放生還

檀槽鈎鳳繡鞞垂玉撥乘閒試一揮縱按往來
敲捍面四條弦上彩鸞飛

女史榮當直筆權事治毫楮待承宣一廻寫着

推恩字特地欣愉擇素牋

寶苑珍池霽曉開滿街車轂轉春雷錦幟畫舫
留盈月惟待皇家宴賞來

疊羅枝裊亞朝霞竝產宮中信可嘉携向祐神
珍館裏輔臣方得看霜花

明暉嚴敞壽春前儀鳳翔鸞曲水穿欲就金堦
連翠沼更開花洞遠相連

巧簇羅牌翰苑詞宜春相向貼門楣近奉清禁
尤珍重珠蹙金書御製詩

苑西廊畔碧溝長
脩竹森森綠影涼
戲擲水毬爭遠近
流星一點耀波光

午夜登樓戶不扃
長廊夾幙內人行
蟠龍尾道華燈合
五色雲中笑語聲

左右擲梭伴侶均
玉纖迎接步連勻
飄飄頭上宮花顫
蜂蝶驚飛不着人

清曉輕雲鎖玉樓
樓前官柳弄春柔
昇平宮宇浮佳氣
占得風光待宴遊

韶光三月恰芬芳
禊飲池邊泛羽觴
畫鷁翩翩

戲龍虎一時佳景類江鄉

疊山環水勝蓬宮
景物芳妍竟不同
佩玉鏘金無限好
雅歌姝舞興何窮

宮人擊劒鬪乘騎
寶帶幘頭爛錦衣
鳳尾杖交團月合
龍門毬過一星飛

弓矢尋常鎖太清
三山相對歎侯明
乘閑自習和容藝
金椀時聞中的聲

玉虛清夜醮筵開
羽唱升沉曉漏催
習習輕風花外過
露香飄出禁城來

翰苑花深夜漏稀奉承親筆草麻歸鸞牋幾幅
魚龍化近夜重陞一品妃

緒風輕轉鶯簧巧惠日初迴燕舌嬌芍藥畫欄
繒不斷楊花臨砌雪難銷

六尚皆分典御行司珍尤重膳羞良小金盒子
黃封貼細字臣民預品嘗

滿街飛絮舞毵毵慵困情懷似酒酣嬪御宮中
行樂倦却尋錦葉餵新蠶

投壺懶欲趁嬉遊閑理瑤箏不舉頭側調旋從

織指出誰人能會意中愁

瑣院群心望寵嘉閣門當殿奏宣麻新經授寶
敷恩澤榮拜宗藩使相華

首夏初分淑景遷小池依約出荷錢宮娃每恨
春歸早時困朝眠望翠鈿

崑山遐表得靈犀剖出花紋兩脚齊良匠涓辰
成寶帶鴛鴦一對水中棲

石琴應自少義傳品弄尤知逸韻全玉軫金徽
重遺製雷張誠貴擅名先

瑶洞深沉盡綺疏
叢山疊石狀仙居
攔干面面珍寶瑪瑙
勻敷小玉渠

伏炎羲酷暑升旋
尋庭廡避煩蒸
禁庭宿衛相比特遣
中丞輒賜冰

涓辰遊幸出嚴城
黃道中分輦路平
近掖寶車錦步幃
先來通市一逢迎

曉色輕陰四幕低
如膏小雨密霏霏
傳宣儀仗過廊立
惟恐沾濡近御衣

麻紙初新詔墨乾
金蓮未剪燭花殘
珠簾不隔

霜華月應比人間
分外寒

酒闌人寂暗金缸
淡月輕風透碧窻
宮女欲歌初製曲
旋吹絃管按新腔

琳庭節物樂無涯
又是餘寒易歲華
昨夜雪晴天氣好
後園初進臘梅花

旋題玉額起層樓
三閣圖書集較酬
或作離近日得增新碧榜
題謨相繼繕徽猷

白檀象戲小盤平
牙子金書字更明
夜靜綺窻輝絳牖
玉容相對煖移聲

宋徽宗宮詞
朝班翼翼布鴛行三衛森嚴殿砌傍遴選親勳
先許近校員多是補中郎

宗祀元堂羽衛還大庭齋夕駐鳴鸞平明復賜
端明赦爭看金鷄立巨盤

十花金盞勸仙娥乘興追歡酒量過燭影四圍
深夜裏分明紅玉醉顏酡

小雨飛輕助燕泥萬花零落柳垂堤紫清宮裏
人稀到廊上雙雙孔雀棲

宴殿勻將蜀錦鋪花明金赫麗簪裾舞裊全似

朝霞散十二金鸞面玉除

每將競慎保丕基頻歲多男已應期欲問榮昌
在何事春中襟燕滿彤圍

象蹋冰盤四面涼風搖槐影蘸蓮塘玉顏一枕
游仙夢誰覺炎天畏日長

日煖風和殿宇深高花脩竹轉間禽宮娥携手
臨丹檻喜看文鴛戲水心

朝來和氣已氤氳碧瓦朱甍照眼新永日更添
蓮漏水晴曦容與藥宮春

池面冰開漾綠波枝頭花朵蹙紅羅東風信有
芳菲意應爲今年樂事多

梅心透粉傷瓊梳柳眼迴青裊玉除雨露不偏
金穴貴六宮春曉念關雎

綵締鰲山聳禁街端門簾捲五雲開元宵佳景
同民樂不禁人行近露臺

清曉傳郵鳳報聲紫宸稱賀集簪纓乾崇來上
新祥瑞幾夜黃河徹底清

議司稽考紹熙豐因革三王二帝功夙夜焦勞

無敢怠求衣常是未鳴鐘

殘臘長空欲雪天須臾盈尺兆豐年燮調都在
臣工力遣使榮頒兩府筵

滿架茶蘼旖旎香小庭方沼戲鴛鴦蘭房祗慕
承恩澤愈學時宜百巧粧

蓬萊宮殿五雲低廣內樓臺草色齊憂在進賢
志寤寐曉粧常是未鳴鷄

機杼年來入禁垣素絲初織未成端遍呼銜府
令均玩方識農家力最難

宋徽宗宮詞
吳郡黃魯曾精選編次

郭雲鵬重校授梓

宋徽宗宮詞終

王珪宮詞序

王岐公諱珪字禹玉蚤中甲科以文章事業被
遇四朝自嘉祐初與歐陽永叔蔡君謨更直北
門熙寧九年拜相務爲安靖之政遂膺顧託有
定策之言平生未嘗遷謫多代言應制之詞無
放逐感憤之作故其詩多富貴氣

王珪宮詞

花裏宮鶯曉未啼
千牛仗下報班齊
銀袍五百趨龍尾
天子臨軒賜御題

洛陽新進牡丹叢
種在蓬萊第一幾一作宮壓曉

看花傳駕入露苞
初折御袍紅

燕去燕來閑白晝
花開花落送黃昏
年年好景

春風妬夢裏鉛華
濕淚痕

侍輦歸來步玉階
試穿金縷鳳頭鞋
堦前摘得

宜男草笑插黃金
十二釵

簾旌風捲綠波流繡扇紅鸞五綵樓撮角茶牀
金釘校暗花香印錦紋頭

燕子初來語更新一聲聲報內家春遙聞春苑
櫻桃熟先進金盤奉紫宸

盆山高疊小蓬萊檜柏屏風鳳尾開緣遶金堦
春水闊新分一脉御溝來

內苑宮人學打毬青絲飛空紫花騶朝朝結束
防宣喚一樣真珠絡轡頭

元夕星燈照露臺六宮歌吹出雲來夜深翠輦

歸金殿十里迴廊錦帳開

金鷄竿下龍旗動萬國華夷拜冕旒十二門開
傳詔急祥雲捧日在樓頭

數騎紅粧曉獵還銷金羅襪鏤金環佯佯走馬
穿花過拂拭雕弓對御彎

晚來東殿放笙歌外院池亭得暫過深炷爐香
登月榭闌干西角拜姮娥

兩班齊賀玉關清新奏熙州曲破成畫鼓連聲
催擷遍內人多半未知名

沉煙搖碧透金鋪密下珠簾鎮玉壺近賜趙昌
花雀障却嫌崔白芟荷圖

內庫新函進御茶龍團春足建溪芽黃封各各
題名姓賜入東西兩府家

銀盆著水灑毬場馬嚼啣聲立兩行齊上玉鞍
隨仗列粟金腰帶小排一作方

三殿飛雲禁鑰開風從天上送春來諸藩玉帛
朝元日齊獻南山萬壽杯

黃昏鑾院聽麻除翰長平明趁起居撰就白麻

先進草金泥降出內中書

紅濕春羅染御袍透簾三丈日華高金針玉尺
穿一作裁縫處一對盤龍落剪刀

端午生衣進御牀赭黃羅帕覆金箱美人捧入
南薰殿玉腕斜封綵縷長

選進僊韶第一人才勝羅綺不勝春重教按舞
桃花下只踏殘紅作地茵

侍女爭揮玉彈弓金丸飛入亂花中一時驚得
流鶯散踏落殘英滿地紅

夜寒金屋篆煙飛燈燭分明在紫微漏永禁宮
三十六宴回爭踏月輪歸

曉吹翩翩動翠旗爐煙千疊瑞雲飛何人奏對
偏移刻御史天香隔繡衣

金井秋啼絡緯聲出花宮漏報嚴更不知誰是
金鑾直玉宇沉沉夜氣清

內庭秋燕玉池東香散荷花水殿風阿監採菱
牽錦纜月明猶在畫船中

紗幔薄垂金麥穗簾鉤織挂玉葱條樓西別起

長春殿香碧紅泥透蜀椒

清曉自傾花上露冷侵宮殿玉蟾蜍擘開五色
銷金紙碧瑣窻前學草書

翠鈿帖靨輕如笑玉鳳雕釵裊欲飛拂曉賀春
皇帝閣綵衣金勝近龍衣

鑠聲金掣閣門環簾捲真珠十二間別殿春風
呼萬歲中丞新押散朝班

鷄人報曉傳三唱玉井金牀轉轆轤煙引御爐
香遶殿漏籤初刻上銅壺

御按橫金殿幄紅扇開雲表露天容太常奏備
三千曲樂府新調十二鐘
宮女燠香進御衣殿門開鑠請金匙朝陽初上
黃金屋禁掖春深晝漏遲

三月金明柳絮飛岸花堤草弄春時樓船百戲
催宣賜御輦今年不上池

內人稀見水鞦韆爭擘珠簾帳殿前第一錦標
誰奪得右軍輸却小龍船

夜色樓臺月數層金猊煙穗繞觚稜重廊屈折

連三殿密上眞珠百寶燈

禁裏春濃蝶自飛御蠶眠起弄新絲碧窻盡日
教鸚鵡念得君王數首詩

鬪草深宮玉檻前書蒲如箭荇如錢不知紅藥
闌干曲日暮何人落翠鈿

太液波清水殿涼畫船驚起宿鴛鴦翠眉不及
池邊柳取次飛花入建章

春心滴破花邊露曉夢驚回禁裏鐘十二楚山
何處是御樓曾見兩三峯

博山夜宿沉香火帳外時聞暖鳳笙理徧從頭
新上曲殿前龍直未交更

春殿千官宴喜歸上林鶯舌報花時宣徽旋進
新裁曲學士爭吟應詔詩

一線沉波漾綵舟魚爭芳餌上龍鉤內人急捧
金盤接撥刺紅鱗躍未休

蕙炷香銷燭影殘御衣燠盡徹更闌歸來困頓
眠紅帳一枕西風夢裏寒

東宮降誕挺佳辰少海星邊擁瑞雲中尉傳開

三日宴翰林學撰洗兒文

金鈿畫角警場開天子南郊玉輅來十里青城
遙北望綵雲宮殿月樓臺

鼓角三更夜奏嚴夕齊清廟宿重簷殿前太尉
橫銀杖指點金盤御水添

鑾輿昨夜宿郊壇月淡風低綵內寒密寫銷金
紅牘子宮中日日報平安

禁籞春來報踏青御池波漾碧漣輕內人爭送
鞦韆急風隔桃花聞笑聲

露井銀牀凍不收深宮花暗曉鶯愁殘紅滿地
無人掃一半隨風落御溝

盤龍漸織翠雲裘點檢黃封玉匣收防備秋來
供御着金箱捧入曝衣樓

十三垂髻碧螺髻學舞經年後苑中近日昭儀
抄姓字一時宣撥入東宮

內庫從頭賜舞衣一番時樣一番宜才人特地
新裝束五色春衫畫折枝

黃金掌上露華稀朝退君王索輦遲到得經筵

春講罷海棠花影數甌移

禁庭漏促斜沉月殿燭光寒未捲簾御殿催班
元會集牙牌先入奏中嚴

焚香重熨赭黃衣恐怕朝陽進御遲禁鼓六更
交早直歸來還是立班時

素英飄灑昨霄寒一寸金花燭淚殘連夜對香
宣兩府平明謝雪到齋壇

盡日閑窻賭選僊小娃爭覓到盆錢上籌爭占
蓬萊島一擲乘鸞出洞天

麗日祥煙鎖禁林櫻桃初熟杏成陰年年翠輦
來遊幸花落春階一寸深

新供御馬可曾騎青鬣連錢碧玉蹄每在殿前
祇候駕金鞍卸下不聞嘶

人家裝着鬪時宜獨自尋常拂淡眉爲染淺黃
衫子色金盆添水看鵝兒

簾搖翡翠金風日瓦濕鴛鴦玉露天秋曉殿開
重九宴內人爭帖菊花鈿

崇文院裏勝蓬萊繡柱扶天秘閣開典籍校讎

黃閣外圖書多出禁中來

萱草成窠杏子青夜闌禁漏曉聞鶯吹回一覺
昭陽夢帳外春風太薄情

翡翠盤龍裝繡額真珠雙鳳蹙花毬時聞玉女
牽簾笑箭躍銅壺不算籌

迢遞金壺漏永長輪更傳點報君王諸宮各進
時新果進着龍牀駐夜香

殿下排場擊土牛君王玉杖久遲留內人爭卜
宜春喜奪得金泥各自收

王珪宮詞終

吳郡黃魯曾精選編次
郭雲鵬重校授梓

編選四家宮詞中南先生已凝精定見矣然
雲間刻本止於三家而王珪者又混收其菲
弱不工之詞至於宋徽宗睿悟清才藝文妙
絕而獨忍遺之耶予旣佩誦中南編選之藁
心敬服焉但雲間序文所云宋板脫誤因顧
君手錄閣本閣本則石渠東觀之藏焉有訛
舛哉惟恐北宋舊本湮亾而宋末或有別本
與前不同予竊疑之敢因中南先生編選者
而重校正之鈔梓以爲博雅君子擇云昔

嘉靖壬子冬十一月獨峯山人郭雲鵬謹跋

明倫彙編

明倫彙編

家範典

